

HP Salahuddin diklon, hantar SMS anti-Cina
MalaysiaKini.com
May 10, 2013
By Hafiz Yatim

Naib Presiden PAS Salahuddin Ayub menafikan menghantar SMS perkauman, sebaliknya menjelaskan telefon bimbitnya telah diklon oleh pihak tidak bertanggungjawab untuk tujuan itu.

Katanya, ketika berada di pejabat PAS Kelantan malam tadi, beliau mendapat beberapa SMS daripada anggota parti Islam itu yang mengadu menerimanya.

SMS itu berbunyi: "Cina telah cuba tolak kuasa Melayu, tetapi gagal. Chinese are not the king maker (orang Cina bukan penentu). Sekarang masa Melayu bersatu untuk ajar Cina. Sebarkan."

Beliau juga berkata, timbalan presiden PAS Mohamad Sabu juga mengalami nasib yang sama apabila cuba dikaitkan dengan SMS anti-Cina itu.

Salahuddin membuat laporan polis di Kota Bharu tengah hari tadi dan meminta syarikat telekomunikasi menyekat taliannya daripada menghantar sebarang mesej.

Copyright © 1999-2012 Mkini Dotcom Sdn. Bhd
Source: <http://www.malaysiakini.com/news/229783>